

COMUN

Deache l'azes ai ofizi publics é ma plü conzedü a chi che á le greenpass (3G), resta la porta dla ciasa de comun sarada. Chi che á le greenpass pó soné a porta y la porta ti vëgn daurida; ti ofizi gnarál spo controlé le greenpass.

PLOANIES SAN MARTIN Y LUNGIARÜ

I ti audun döt le bun a siur Heinrich Perathoner che complësc ai 11 de forá 81 agn. I rengraziun Idí y le periun ch'al i scinches sanité, forza y ligrèza te so sorvisc y benedëscen so laur ch'al portes tröc früc.

Por le De di Amará ai 11 de forá sunse dúc invia da s'uní ala oraziun dl Papa: *"I ti racomani dúc i amará, chi che laora tla sanité y chi che ti stá dlungia ai soferënc a Maria, ala Uma dla misericordia y dla varijun di amará. Dala Grotta de Lourdes y dai tröc santuars che ti é dedicá sura döt le monn, prëii, ch'ara renforzes nosta fede, nosta speranza y nes dëides da s'un tó sura un dl ater ti amur sciöche fredesc y sorus."*

Le Sorvisc ai Jogn Val Badia mët a jì "Dis de preparaziun al maridé" dala sabeda, 23 d'aurí, ala domënia, 24 d'aurí 2022, cun chësc program:

Sabeda, 23 d'aurí 09.00 - 12.30 dr. Lois Kastlunger (coordinadú)
12.30 - 14.00 marëna
14.00 - 17.00 siur Markus Moling (prou)

Domënia, 24 d'aurí 09.00 - 10.45 Elena Sorarú (efom y consulënta)
11.00 - 13.00 dr. Christian Pedevilla (avocat)
13.00 - 14.30 marëna
14.30 - 16.00 dr. Lois Kastlunger (coordinadú)

Le curs é por ladin. Le curs é limité a 12 pers. I Ves periun da ves prenoté tl Sorvisc ai jogn Val Badia (0474-523070 / info@jogn.org) cina le mercui, ai 13 d'aurí. Le cost é de € 180 a per (curs + 2 iadi marëna).

SAN MARTIN

Al vëgn indô bel perié do le contribut por scialdé la dljia, che vëgn trat ite cun l'oferta pro mëssa: - en chësta sabeda y domënia, 5 y 6 de forá y

- y en sabeda y domënia, ai 12 y 13 de forá

Chi che ó pó ince paíé por banca IBAN IT 11 J 08010 58830 000304004922.

LUNGIARÜ

Por chësta domënia, "Dé de Sconanza dla Vita" á la Uniun dles Ères arjigné por dúc nasciüs tl 2021 na ciandëra che i gniturs pó se tó a ciasa do mëssa.

N bel dilan dles ofertes en recordanza dl defunt Marino Clara por les Misciuns tla Romania a suor Maria Chiara Ellecosta da pert dla Musiga da San Martin y dala Uniun di lagri Lungiarü por la Spona da Pidrô.

Le Sorvisc ai Jogn Val Badia chir colauradus/ësses a tëmp plëgn; la domanda é da fá cina ai 13 de forá – ciarede plü avisa te internet sot a www.jogn.org.



Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun.anton.gasser@rolmail.net - 348 27 44 517 / 0474 523 194



www.valbadiaonline.it/comunite

06.02. - 13.02.22 nr. 11

ultimo termo por comunicaziuns: jöbia, dales 20.00

5ª DOMËNIA IA POR L'ANN - C

Vangele do Lüca 5, 1-11

⁴Canche Gejú â albü rové süa pordica, ti àl dit a Scimun: Va fora alaleria! Dailò sciurede osten rëis por la pëscia! Scimun ti à respognü: Maester, i ün laurè dötta la nôt y i n'ün pié nia. Mo sön tüa parora sciurarà fora les rëis. Chësc ài fat, y ai à pié tan tröc pësc, che sües rëis manaciâ da se scarzë. Porchël ti ài fat sëgn ai compagns tl'atra barca, ch'ai gniss y i daidass. Ai é gnüs, y deboriada ài implì trames les barches cina al ur, ch'ares manaciâ da jì sot. Deache ël y dúc sü compagns ê restà imprescionà y spordüs da odëi tan de pësc ch'ai â pié; avisa insciö ti éra ince jüda a Iaco y a Jan, ai fis de Zebedeus, che laurâ cun Scimun. Spo ti à Gejú dit a Scimun: No te temëi! Da sëgn inant piaraste jënt. Y ai à trat les barches sön spona, à lascè döt y ti é jüs do.



N momënt che müda döt. Chël conresciunse. Sc'i ne m'ess nia intenü, sc'i n'ess nia odü chël inserat, sc'i n'ess nia incunté, dailó foss jüda mia vita te döt n ater vers. Lapostul Pire á albü deplü de te momënc:

Al ciara sö, canche Gejú stá te n iade dan da d'ël y l'invieia da ti jì do. Pordërt àl döt val' d'ater da fá: cuncé les rëis, chël é debojëgn sc'ai orò pié val' le de do. Mo Pire lascia ia la odla y la rëi, lascia ester le laur da vigni de y tol ite Gejú te süa barca.

Incö, te chësc vangele, láscel da na pert dotes sües esperiënzes da pesciadú y sciüra ciomó n iade fora les rëis. Y al n'abina n gröm, tanc che les rëis manacia da se scarzë, deach'al s'á lascé ite sön le consëi de Gejú.

Pire sfrutëia le dër momënt, y döt se müda te süa vita, por ël y ince por nos. Deache cun Pire y sü compagns röia la cherdada dl pordicadú da Nazaret cina te nosc tëmp y ó arjunje ince nos. I orun se tó da Pire le coraje y la fidënza da porvé danü. (image)

EDEMA	SAN MARTIN	LUNGIARÜ	 I periun do l'intenziun dl Papa tl mäs de forä I periun por dötes les ëres, che á consagré súa vita a Chël Bel Dî, y sun reconescënc de súa cherdada y de so coraje da chirí y da ti dé respöstes nöies a ci che nosc tēmp á dejojēgn.  I ne sá nia sce le patrūn de chēsta ciasa á albü la lizēnza da arcuncé les plates de tēt a chēsta moda. „YES“ ó dí „SCĒ“: al ne minä dessigü nia da dí de scē a döt mo da afrunté súa vita te na maniera positiva. De te' porsones – de chēres ch'al n' é tres demanco – adorunse. La gran pert – me pēl – dij bēgn de scē, mo vēiga spo n gröm de rajuns da dí inultima impó de no. Dessigü mēssi iö calcolé ite i risé a chi ch'i ti vá adincuntra, deache la vita á sü prighi. Mo sc'i ó evité vigni prigo me dejaüsi y me desmēntii da vire. Porchël él damí sc'i ti diji de scē ala vita, y me lasci sön Chël Bel Dî. Èl é chël che ó y á ion mia vita. La Bibia cunta de deplü porsones che á riscé y che é piades ia: Abraham é pié ia ciamó da vedl, deache Idí l'â cherdé. I discepuí lascia, sön la parora de Gejú, sües families y so mistier, zēnza savēi olach'al i condüj. Ai ti dij de scē a Chël Bel Dî y a ci ch'al á imēnt cun ēi, ciodí ch'ai s'á ch'al la mina buna imparä. Y te chēsc podunse ince nos crēie. <i>Image</i>
06.02.22 5^a DOMĒNIA - Ann C De dla vita	9.00 Corona <i>(siur Klaus)</i> 9.30 Gran Messa – De dla Vita por la Comunité de rengraz. a siur Heinrich Videsott dl ann + Giovanni Pescoller + Giovanni Flöss (dl ann)	7.50 Corona <i>(siur Klaus)</i> 8.15 Gran Mēssa – De dla Vita por la Comunité por düc i geniturs che á albü n viadú tl 2021	
07.02.22 Lönesc <i>Richard, Nivard</i>			
08.02.22 Dedolönesc <i>Iarone Ämiliani, Iosefina Bakhita</i>	19.00 Mēssa vis y def. fam. Siegfried y Maria Zingerle + Pepi Dejaco, Larjëi		
09.02.22 Dedemesaledema <i>Apolonia, Alexia</i>		7.30 Mēssa vis y def de fam. Tini y Dorina Clara + + geniturs de fam. Eugenio y Teresa Maieron	
10.02.22 Jöbia <i>Scolastica, Silvan</i>	15.00 Mēssa a Bioch – i se rcordun di amará en onú y rengr. a Santa Maria da Lourdes por les Püres Animes	15.00 Mēssa a Bioch – i se rcordun di amará en onú y rengr. a Santa Maria da Lourdes por les Püres Animes	
11.02.22 Vëndres <i>Santa Maria da Lourdes</i> De mondial di amará	18.30 Adoraziun chîta 19.00 Adoraziun deboriada	7.30 Mēssa + + Angel y Clara Ferdigg dl ann + suor Maria Regina Costa	
12.02.22 Sabeda <i>Gregöre, Benedët</i>	19.30 Mēssa prefestia dl ann + Artur Conrater + Clara Frenner Zingerle (dl ann) + Aristide Brivio (dl ann) + Edith Prousch	18.00 Mēssa prefestia aniv. + Franz Pezzei Ghestan + Paul Castlunger dl ann + Albino Daporta, Mazchel	
13.02.22 6^a DOMĒNIA - Ann C	9.00 Corona 9.30 Gran Messa por la Comunité + siur Angel Morlang (dl ann) de rengr. families de Albert Moling + Helmut Dejaco	7.50 Corona 8.15 Gran Mēssa por la Comunité	